



UNIVERSITÄTS-
BIBLIOTHEK
PADERBORN

Universitätsbibliothek Paderborn

Benedicti Ariæ Montani Hispalensis Poemata

In Qvatvor Tomos Distincta

In quo Daudis Regis ac Prophetæ, aliorumque sacrorum Vatum Psalmi; ex
Hebraica veritate in Latinum carmen obseruantissimè conuersi

Arias Montano, Benito

Antverpiæ, 1589

Psalmvs XXXIX. Dixi, custodiam vias meas.

urn:nbn:de:hbz:466:1-44993

- 30 Hosteis valere ac viribus cerno meos,
Mibi invidentes ac beari perfidos.
31 Malam reponunt mi bonorum gratiam:
Bona affectum me perunt calumniis.
32 Me ne relinquant, te peto mi PRINCIPEM,
IAS remotus neu procul sistas mihi:
33 Festinus adsis iam mihi auctor auxilii,
Here o salutis auctor iam notæ ac meæ.

PSALMVS XXXIX.

Dixi, custodiam vias meas.

VNICVM VERVM BONVM DEVS.

Ad præstantem ad Iedihun, Psalmus David.

Ode Dicolos Distrophos.

- 1 **O**bservabo vias meas,
Dixi, lingua nihil peccet vt insolens;
Quamuis me improbus vrserit,
Ori claustra meo prouidus inferam.
2 Ac tam muta silentia
Concepi, nihil vt proloquerer boni,
Dum qui me cruciat dolor,
Conturbata nimis membra furens quatit.
3 Cor in visceribus calens
Flammas, dum meditor, suscitât igneas:
Quas ipsa opprimere impotens
Perrupris loquitur lingua silentiis.
4 IAS indica & exitum,
Et quàm longa mihi restet adhuc dies:
Mundo quàm nimium fruar,
Opto scire libens, quòve fruar modo.
5 En palmos mihi das dies,
Te presente nihilque est spatium meum:
Quin nil quidquid id est homo,
Quisquis constat homo, scilicet est nihil.
6 Certè vmbre & tenebræ viros
Versant, sollicitatque hos trepidos nihila
Illi plurima congerunt,
Ignari positum quis cumulum occupet.
7 At nunc o here quid velim
Expectémve mihi, spes mea te petit:
8 Cunctis me eripito meis
Noxis, me stolis dede nec in probrum.

74

PSALMORVM

10 Mutus contineo meum

Os, namque illa tuo non sine numine.

11 Parce o verberibus grauis

In me quæ renouas; heu pereo manus

Infectu valido tuæ,

Impar dura Dei vulnera perpeti.

12 Cum tu crimina corripis,

Obiurgasque virum, defuit huic decus;

Ceu vestis tinea perit,

Omnis terrigena ac scilicet est nihil.

13 IAS auribus excipe

Clamorem atque preces, nec lachrymas meas

Surdus dissimules, vides

Me (quales proauos noueris) hospitem,

Terræque hospitis incolam;

Nec quidquam stabile hic, nec proprium mihi est.

14 Iam me solue precor, precor,

Et cura sine me vt restituar graui,

Ne si progrediar nimis,

Pressus deficiam, nullus & auolens.

PSALMVS XL

Expectans expectaui Dominum.

MAXIMÆ VICTORIÆ CHRISTI
GRATVLATIO.

1 Ad præstantem Dauidis Psalmus.

*Carmen Sapphicum.*2 **N**Vmen vt sanctum mihi semper IAE
Certus expecto, mihi flexus ille est,
Ac meæ vocem placidus querelæ

Audiit ægram.

3 Ille me extractum puteo sonanti,
Atque cœnosa barathris lacunæ
Rupe firmato pede ferre gressus

Iussit in alta.

4 Tunc nouum grato dedit ore carmen,
Hanc Dei nostri celebrare laudem;
Dum vident multi, metuent & IAM
Speque fideque.

5 Ille vir multis numeris beatus,

Fida